

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127 0 K 076171 22 K
Banovići, 14.09.2023. godine

U IME FEDERACIJE BOSNE I HERCEGOVINE!

Općinski sud u Banovićima, sudija Damir Dautović, uz sudjelovanje zapisničara Azre Mujić, u krivičnom predmetu protiv optuženog M.E., zbog krivičnog djela Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine, po optužnici Kantonalnog tužilaštva Tuzlanskog kantona broj: T03 0 KT 0092903 21 2 od 06.12.2021. godine, dana 12.09.2023. godine, u prisustvu tužitelja Kantonalnog tužilaštva Tuzlanskog kantona, Alidžanović Vedrana, optuženog i njegovog branioca Ćaćić Stjepana, advokata iz Tuzle, održao je javni glavni pretres, a dana 14.09.2023. godine, u odsutnosti uredno obaviještenih stranaka i branioca, donio je i javno objavio

PRESUDU

Optuženi:

M.E., sin A. i Z. rođene R., rođen ... godine u T., stalno nastanjen u B., u ulici ..., "(...)", neosuđivan, vodi se drugi krivični postupak,

kriv je

što je:

dana 23.11.2020. godine, u vremenskom periodu od 12,50 sati do 13,30 sati, u B., u ulici ..., O., B., u porodičnoj kući A.A., prilikom pretresa porodične kuće, protivno članu 4., članu 19. i članu 20. Zakona o sprečavanju i suzbijanju zloupotrebe droga („Službeni Glasnik BiH“ broj 8/06 od 07.02.2006. godine), iako je bio svjestan i znao da se radi o opojnoj drogi i da je neovlašteno drži radi dalje prodaje, a što je i htio, kod sebe radi dalje prodaje držao vlažnu stvrđnutu materiju bijele boje, upakovanu u 24 duple providne pvc folije, ukupne težine 56,044 grama (1,532 + 1,828 + 1,142 + 1,621 + 1,939 + 1,986 + 1,534 + 1,119 + 1,837 + 1,444 + 1,281 + 1,555 + 1,31 + 0,891 + 0,981 + 19,977 + 0,765 + 1,703 + 6,082 + 1,141 + 1,198 + 1,002 + 1,112 + 0,743), držao biljnu materiju upakovanu u 4 providne pvc folije ukupne težine 8,502 grama (4,004 + 2,025 + 1,254 + 1,219), držao 10 tableta plave boje oblika dijamanta upakovane u providnu pvc foliju prosječne mase 0,381 grama, držao praškastu materiju bijele boje upakovanu u 6 providnih pvc folija i otvorenih kesica, koje su se nalazile u unutrašnjosti paklice od cigareta marke Marlborro, ukupne težine 1,158 grama (0,109 + 0,072 + 0,462 + 0,032 + 0,108 + 0,375), te držao praškastu materiju bijele boje u providnoj pvc foliji ukupne težine 0,079 grama, a predmetne praškaste materije i vlažna stvrđnuta materija sadrže psihotropnu tvar Amfetamin (Speed), koja je Listom o utvrđivanju spiska opojnih droga, biljaka iz kojih se može dobiti opojna

droga i prekursora u Tabeli II - 2 Popisa psihotropnih tvari („Službeni glasnik BiH“ br. 8/06 od 07.02.2006. godine), pod rednim brojem 1. proglašena za psihotropnu tvar, a biljne materije potiču od biljne vrste Cannabis Sativa (L) - Konoplja koja sadrži tetrahidrocannabinol (THC), a Cannabis Sativa (L) - Konoplja je Listom o utvrđivanju spiska opojnih droga, psihotropnih tvari, biljaka iz kojih se može dobiti opojna droga i prekursora u Tabeli I-1 Popisa opojnih droga („Službeni glasnik BiH“ br. 8/06 od 07.02.2006. godine), pod rednim brojem 13 proglašena za opojnu drogu, dok tablete u sebi sadrže metilendioksimetamfetamin (MDMA), a metilendioksimetamfetamin (MDMA) je Listom opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“ broj 8/06) je u Tabeli I - Popisa psihotropnih tvari pod rednim brojem 12 proglašen psihotropnom tvari, a predmetne opojne droge je držao zajedno sa dvije providne pvc folije, te torbicom crne boje u kojoj se nalazio jedan manji nožić na preklop - čakija zelene boje, na kojim predmetima su se nalazili tragovi Amfetamina.

Dakle, neovlašteno radi prodaje držao opojnu drogu,

čime je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine, pa sud optuženom primjenom navedene zakonske odredbe i uz primjenu članova 42., 43., 49. stav 1., 60. stav 2. i 62. stav 1. i 2. Krivičnog zakona Federacije Bosne i Hercegovine i člana 300. Zakona o krivičnom postupku Federacije Bosne i Hercegovine, izriče

UVJETNU OSUDU

kojom se optuženom M.E., utvrđuje kazna zatvora u trajanju od 1 (jedne) godine i istovremeno određuje da se ona neće izvršiti ako optuženi za vrijeme od 4 (četiri) godine ne učini novo krivično djelo.

Na osnovu člana 78. stav 1. Krivičnog zakona Federacije Bosne i Hercegovine i člana 238. stav 4. Krivičnog zakona Federacije Bosne i Hercegovine, sud izriče

SIGURNOSNU MJERU

Od optuženog M.E., oduzima se:

- Psihotropna tvar Amfetamin u težinama od: 56,044 grama, 1,158 grama 0,079 grama, od kojih težina je nakon obavljenog vještačenja preostalo: 55,324 grama, 1,038 grama i 0,059 grama,
- Opojna droga Cannabis sativa L – Konoplja ukupne težine 8,502 grama, od koje težine je nakon obavljenog vještačenja preostalo 8,382 grama,
- Psihotropna tvar MDMA u vidu 10 tableta, prosječne mase 0,376 grama i
- dvije providne pvc folije zajedno sa torbicom crne boje u kojoj se nalazio jedan manji nožić na preklop - čakija zelene boje, na kojim predmetima su se nalazili tragovi Amfetamina, čije će uništenje izvršiti Policijska uprava Banovići odmah nakon pravosnažnosti presude i o tome pismeno obavijestiti sud.

Na osnovu člana 202. stav 4. Zakona o krivičnom postupku Federacije Bosne i Hercegovine, optuženi se oslobađa dužnosti naknade troškova krivičnog postupka i sudskog paušala.

Obrazloženje

Kantonalno tužilaštvo Tuzlanskog kantona (u daljem tekstu KT TK), je optužnicom broj: T03 0 KT 0092903 21 2 od 06.12.2021. godine, optužilo M.E., zbog krivičnog djela Neovlaštena proizvodnja i stavljanje u promet opojnih droga iz člana 238. stav 1. Krivičnog zakona Federacije Bosne i Hercegovine, (u daljem tekstu KZ F BiH).

Sudija za prethodno saslušanje potvrdio je optužnicu rješenjem broj 127 0 K 076171 21 Kps od 31.12.2021. godine, nakon čega je osumnjičeni dobio status optuženog.

Na ročištu za izjašnjenje o krivnji, optuženi se izjasnio da nije kriv za krivično djelo koje mu se stavlja na teret.

Na glavnom pretresu održanom 12.09.2023. godine, optuženi je priznao krivnju za izvršenje krivičnog djela koje mu se stavlja na teret. Izjavu o priznanju krivnje optuženi je dao dobrovoljno, svjesno i sa razumijevanjem, te ga je sud upozorio da se izjavom o priznanju krivnje odriče prava na suđenje i da može biti obavezan da naknadi troškove krivičnog postupka.

U cilju provjere da li postoji dovoljno dokaza o krivnji optuženog, izvršen je uvid i čitanje u: “[...]”.

Cijeneći izvedene dokaze, pojedinačno i u međusobnoj vezi, u skladu sa članom 296. Zakona o krivičnom postupku F BiH (ZKP F BiH), a uzimajući u obzir i priznanje optuženog, sud je utvrdio da se u radnjama optuženog u cijelosti stiču obilježja krivičnog djela Neovlaštena proizvodnja i stavljanje u promet opojnih droga iz člana 238. stav 1. KZ F BiH i da je isto počinjeno u vrijeme, mjestu i na način kako je navedeno u izreci presude.

Naime, iz Izvještaja o izvršenom pretresu objekta od 24.11.2020. godine, koji je izvršen na osnovu Naredbe za pretresanje Općinskog suda u Banovićima od 20.11.2020. godine, proizlazi da su policijski službenici PU Banovići, u prisustvu dva punoljetna svjedoka, dana 23.11.2020. godine, u vremenskom periodu od 12,50 sati do 13,30 sati, izvršili pretres kuće i pomoćnih prostorija koje koriste A.A. i A., koja se nalazi u naselju O., općina B.. Prilikom pretresa pronađeno je 24 pakovanja prozirnih vrećica u kojima se nalazi praškasta materija bijele boje, koja svojim izgledom asocira na opojnu drogu Speed, 4 pakovanja prozirnih pvc vrećica u kojima se nalazi biljna materija koja svojim izgledom asocira na opojnu drogu Cannabis, jedno pakovanje od pvc vrećice u kojoj se nalazi 10 tableta plave boje koje asociraju na opojnu drogu Extazy, 1 kutija cigareta „Marlboro“ u kojoj se nalazi pvc folija na kojoj se primjećuje praškasta materija koja asocira na opojnu drogu Speed, 3 pvc folije na kojima se primjećuje praškasta materija koja asocira na opojnu drogu Speed. U kući su zatečeni A. A., M.E., D.Ć. i M.Z., a M.E. je izjavio da pronađena narkotička sredstva pripadaju njemu i da ih je unio u unutrašnjost kuće, što su ostala navedena lica potvrdila. U prilogu Izvještaja Kantonalnom tužilaštvu TK, dostavljeni su pronađeni predmeti i kopija potvrde o privremenom oduzimanju predmeta broj: 08-06/13-1-50/20 od 23.11.2020. godine, na ime M.E..

Iz Zapisnika o pretresanju od 23.11.2020. godine i Potvrde o privremenom oduzimanju predmeta od 23.11.2020. godine, utvrđeno je da je kod optuženog prilikom pretresa, pored predmeta koji su navedeni u Izvještaju o izvršenom pretresu objekta, pronađena 1 torbica crne boje sa dvije pregrade koje se zatvaraju ziperom.

Uvidom u Nalaz i mišljenje vještaka za hemijska ispitivanja, mr. sci Šahin Hajdarević, Ministarstvo unutrašnjih poslova TK, Uprava policije, Sektor kriminalističke policije, Odsjek za kriminalističku tehniku i KDZ, broj: 08-06/3-7-03.6-1-791/21 od 03.03.2021. godine, koje vještačenje je izvršeno na osnovu Naredbe za hemijsko vještačenje Kantonalnog tužilaštva Tuzlanskog kantona, broj: T03 0 KTA 0092903 20 od 12.02.2021. godine, utvrđeno je da je na ispitivanje u crnoj torbici sa dvije pregrade, a potom u bijeloj papirnoj vrećici sa štamptom koja je oblijepljena žutom trakom sa oznakom „DOKAZ“ dostavljeno 56,044 grama (1,532+1,828+1,142+1,621+1,939+1,986+1,534+1,119+1,837+1,444+1,281+1,555+1,631+0,891+0,981+19,977+0,765+1,703+6,082+1,141+1,198+1,002+1,112+0,743) vlažne stvrdnute materije bijele boje (stvrdnuta materija se može transformisati u praškastu materiju) upakovane u dvadeset četiri duple providne pvc folije, interno označeno od 1/1 do 1/24; 8,502 grama (4,004+2,025+1,254+1,219) biljne materije upakovane u četiri providne pvc folije, interno označeno od 2/1 do 2/4; 10 tableta plave boje oblika dijamanta sa logom na jednoj strani tablete „punisher skull“ prosječne mase 0,381 grama, upakovane u providnu pvc foliju, interno označena sa 3 i crna torbica sa dvije pregrade u kojoj se još nalazi jedan manji nož na preklop-čakija zelene boje interno označeno sa 4/1 i 4/2. Na ispitivanje u drugoj bijeloj papirnoj vrećici sa štamptom koja je oblijepljena žutom trakom sa oznakom „DOKAZ“, dostavljeno je 1,158 grama (0,109+0,072+0,462+0,032+0,108+0,375) praškaste materije bijele boje koja se nalazi u unutrašnjosti šest providnih pvc folija i otvorenih kesica, koje su se nalazile u unutrašnjosti paklice od cigareta marke „Malrboro“ interno označeno od 5/1 do 5/6. Na ispitivanje u trećoj bijeloj papirnoj vrećici sa štamptom koja je oblijepljena žutom trakom sa oznakom „DOKAZ“, dostavljeno je 0,079 grama praškaste materije bijele boje u providnoj pvc foliji interno označeno 6/1 i dvije providne pvc folije interno označene sa 6/2 i 6/3. Rezultati provedenih ispitivanja pokazuju da biljna materija iz četiri pvc folije interno označene od 2/1 do 2/4 potiče od biljne vrste Cannabis sativa (L) – konoplje i da sadrži tetrahidrocannabinol (THC). Analizom spot test reakcija i dobivenih hromatograma utvrđeno je da: vlažna stvrdnuta materija iz dvadeset četiri pvc folije interno označene od 1/1 do 1/24 sadrže amfetamin; deset tableta plave boje iz pvc folije interno označene sa 3, sadrže metilendioksimetamfetamin (MDMA); praškasta materija iz šest pvc folija interno označenih od 5/1 do 5/6 sadrže amfetamin; praškasta materija iz pvc folije interno označena sa 6/1 sadrži amfetamin; na dvije pvc folije interno označene sa 6/2 i 6/3 utvrđeno prisustvo tragova amfetamina i na torbici i čakiji interno označeno sa 4/1 i 4/2 utvrđeno je prisustvo tragova amfetamina. Cannabis sativa(L) - konoplja je na listi opojnih droga pod rednim brojem 13, tabela I („Službeni list BiH“ broj: 8/06), amfetamin je na listi psihotropnih tvari, tabela II, pod rednim brojem 1, a metilendioksimetamfetamin (MDMA), je na listi psihotropnih tvari, tabela II, pod rednim brojem 12.

Nalaz i mišljenje vještaka sud je prihvatio jasnim i potpunim, jer je sačinjen na osnovu analize dostavljenih predmeta, u skladu sa naredbom za hemijsko vještačenje Kantonalnog tužilaštva TK od 12.02.2021. godine.

Optuženi je postupao sa direktnim umišljajem, jer je bio svjestan da je kod sebe neovlašteno držao, a radi dalje prodaje, materiju koja predstavlja opojnu drogu, kao i da

je neovlašteno držanje radi dalje prodaje zabranjeno, pa je i pored toga to učinio, iz čega proizlazi da je i htio učinjenje ovog djela, pa kako ne postoje okolnosti koje bi isključivale krivičnu odgovornost optuženog i dovodile u sumnju njegovu uračunljivost, sud ga je oglasio krivim.

Odlučujući o vrsti i visini krivičnopravne sankcije, sud je cijenio sve olakšavajuće i otežavajuće okolnosti propisane članom 49. stav 1. KZ F BiH. Od olakšavajućih okolnosti sud je cijenio priznanje optuženog, čime je u znatnoj mjeri doprinio efikasnijem vođenju postupka, iskreno kajanje, da je u vrijeme učinjenja dijela bio mlađa punoljetna osoba, da nije osuđivan i da je otac dva maloljetna djeteta, dok otežavajuće okolnosti sud nije našao.

Imajući u vidu navedeno, sud zaključuje da je uvjetna osuda, s prijetnjom kazne zatvora, srazmjerna stepenu krivnje optuženog i težini počinjenog krivičnog djela, te ga je oglasio krivim primjenom člana 238. stav 1. KZ F BiH, te na osnovu članova 42., 49. stav 1., 60. stav 2. i 62. stav 1., 2. i 3. KZ F BiH, optuženom izrekao uvjetnu osudu kojom se utvrđuje kazna zatvora u trajanju od 1 (jedne) godine i istovremeno određuje da se ona neće izvršiti ako optuženi za vrijeme od 4 (četiri) godine ne učini novo krivično djelo.

Na osnovu člana 78. stav 1. KZ F BiH i člana 238. stav 4. KZ F BiH sud je optuženom izrekao sigurnosnu mjeru oduzimanja predmeta i to: psihotropna tvar amfetamin u težinama od: 56,044 grama, 1,158 grama i 0,079 grama, od kojih težina je nakon obavljenog vještačenja preostalo: 55,324 grama, 1,038 grama i 0,059 grama; opojna droga Cannabis sativa L – Konoplja ukupne težine 8,502 grama, od koje težine je nakon obavljenog vještačenja preostalo 8,382 grama; psihotropna tvar MDMA u vidu 10 tableta, prosječne mase 0,376 grama i dvije providne pvc folije zajedno sa torbicom crne boje u kojoj se nalazio jedan manji nožić na preklop - čakija zelene boje, na kojim predmetima su se nalazili tragovi amfetamina, čije će uništenje izvršiti Policijska uprava Banovići, odmah nakon pravosnažnosti presude i o tome pismeno obavijestiti sud.

Na osnovu člana 202. stav 4. ZKP F BiH, sud je optuženog oslobodio dužnosti naknade troškova krivičnog postupka i sudskog paušala, jer je nezaposlen i lošeg imovnog stanja.

Zapisničar
Azra Mujić

Sudija
Damir Dautović

Pravna pouka: Protiv presude može se podnijeti žalba Kantonalnom sudu u Tuzli, putem ovog suda, u roku od 15 dana od dana dostavljanja prijepisa presude. Žalba se podnosi u dovoljnom broju primjeraka za sud, stranke i branioca.